

Mizo Language Development Board
RESEARCH AND DOCUMENTATION COMMITTEE
METTING VAWI 1-NA

A hun : Aug. 21, 2024 (Nilaini) dar 1:00 pm
A hmun : MLDB Secretary Room, MLDB Office, MINECO
Chairman : Prof. Rualkhuma Colney, Khaipa,
Research and Documentation Committee

Member kalte – 1. Prof. Rualkhuma Colney, Khaipa
2. Pu B. Lalhmunliana, Ziaktu
3. Pu R. Vanramchhuanga, Member
4. Pu H. Ronghaka, Member
5. Pu Lalsangzuala, Member
6. Dr. H. Laldinmawia, Member
7. Pu R. Lallianzuala, Chairman, MLDB, Ex Officio

Kal lote – 1. Pu Lalhrualtuanga Ralte, Chhungkaw thila rokhawlhna nei
2. Prof. C. Vanlalhruaia, Damloh thila zin
3. Pu Vanlalhruaia Colney, Thenawmte thihna avangin
4. Dr. R. Zothanliana, Office-a duty pawimawh

1. **Tanna:** Prof. Rualkhuma Colney, Khaipa-in Committee koh chhante sawi fiahin, chumi hnuah a tawngtai.

2. **Inhmelhriatna:** Member kalten mahni insawiin inhmelhriatirna hun kan hman.

3. **Report:** Meeting kaihrualtu Prof. Rualkhuma Colney, Khaipa-in Mizo Language Development Board (MLDB) lo pian dan leh Research and Documentation Committee lo awm dante report turin Pu R. Lallianzuala, Chairman, MLDB, Research and Documentation Committee-a member ni sa a sawm a. Report bengvarthlak tak kan ngaithla.

Meeting kaihrualtuin A, AW, B tobul leh Mizo tawng tobul te a lo chhui tawh dan sawi turin Dr. H. Laldinmawia, Member, R & D Committee a sawm leh a. Report bengvarthlak tak kan ngaithla.

4. **Hma lak dan tur/hna bul tan an tur:** Mizo Language Development Board (MLDB)-in Research and Documentation Committee tih tur leh mawphurhna atana a ruahmante chipchiar takin kan sawi ho a, uluk taka kan sawi ho hnuah a hnuah tar lan ang hian hna bul tan phawt ni se kan ti –

- (1) Mizovin A, AW, B kan neih tan dan, a tobul leh a hun thu te, a tan zel dan, a tira 'Ch'-a tawp, a hnuah 'z'-a a tawp tak dan te uluk taka chhui chhuah ni se. Hemi ti tur leh hna thawh dan tur te, sum leh pai mamawh tur te uluk taka chhut chhuaka, ruahmanna (Detail Project Report) siama, MLDB kal tlanga Mizoram sawrkar, Planning & Programme Implimentation Department-ah pawisa (fund) dil tha kan ti a, Ruahmanna kimchang lo duang turin Dr. H. Laldinmawia leh Pu Lalhrualtuanga Ralte-te kan ruat a. Ruahmanna chu thut khawm leh huna pharha, sawi ho leh hnuah MLDB-ah thlen ni se kan ti.
- (2) Mizo tawng tobul, nihna leh a tan zel dan ziaka awm sa, a theih dan leh a remchan ang ang chhui leh lak khawma, zir chian tha kan ti a; a lak khawm hna, Pu R. Lallianzuala, MLDB Chairman kaihrualinaa lo thawk turin heng mite hi kan ruat – Pu B. Lalhmunliana, Ziaktu, Dr. H. Laldinmawia, Pu Lalhrualtuanga Ralte leh Pu Zosangzuala.

5. **Committee thut leh hun:** October thla hnu lam hun remchangah.

(B. LALHMUNLIANA)
Ziaktu

(PROF. RUALKHUMA COLNEY)
Khaipa